



11/02/2025



MES 5 25 0000136021

გადაწყვეტილება

შპს შავი ზღვის საერთაშორისო უნივერსიტეტის „საჯარო ადმინისტრირებისა და სახელმწიფო მმართველობის“ საბაკალავრო საგანმანათლებლო პროგრამის აკრედიტაციის შესახებ

1. გადაწყვეტილების მიღების სამართლებრივი საფუძვლები

1.1. „უმაღლესი განათლების შესახებ“ საქართველოს კანონის 66-ე მუხლის პირველი პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტისა და საქართველოს განათლებისა და მეცნიერების მინისტრის 2011 წლის 4 მაისის №65/ნ ბრძანებით დამტკიცებული „უმაღლესი საგანმანათლებლო დაწესებულებების საგანმანათლებლო პროგრამების აკრედიტაციის დებულების“ 27² -ე მუხლის პირველი პუნქტის მიხედვით, საგანმანათლებლო პროგრამების აკრედიტაციის საბჭო (შემდგომში - საბჭო) სააკრედიტაციო დოკუმენტაციის, აკრედიტაციის ექსპერტთა ჯგუფის დასკვნის, დაწესებულების მიერ აკრედიტაციის ექსპერტთა ჯგუფის დასკვნის პროექტზე წარმოდგენილი არგუმენტირებული პოზიციის შესწავლისა და ზეპირი მოსმენის გამართვის საფუძველზე იღებს გადაწყვეტილებას საგანმანათლებლო დაწესებულების საგანმანათლებლო პროგრამების აკრედიტაციის თაობაზე. აკრედიტაციის დებულების 27⁵ - ე მუხლის მე-5 პუნქტის თანახმად, საბჭო ვალდებულია დაასაბუთოს მის მიერ მიღებული გადაწყვეტილება.

1.2. „განათლების ხარისხის განვითარების შესახებ“ საქართველოს კანონის 22-ე მუხლის მე-2 პუნქტის „ა“ ქვეპუნქტისა და აკრედიტაციის დებულების 27⁵ - ე მუხლის პირველი პუნქტის „ა“ ქვეპუნქტის შესაბამისად, საბჭო იღებს გადაწყვეტილებას საგანმანათლებლო პროგრამისთვის აკრედიტაციის მინიჭების შესახებ, თუ „უმაღლესი განათლების შესახებ“ საქართველოს კანონის 66-ე მუხლის მე-4 პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის მე-8 პუნქტისა და აკრედიტაციის დებულების 27⁶ - ე მუხლის პირველი პუნქტის „ა“ ქვეპუნქტის შესაბამისად, საგანმანათლებლო პროგრამის პირველი და ყოველი მომდევნო აკრედიტაციის შემთხვევაში, საგანმანათლებლო პროგრამა აკრედიტაციის სტანდარტებთან შესაბამისობის შეფასებისას, ყველა სტანდარტთან მიმართებით საბჭოს მიერ შეფასდა, როგორც „სრულად ან/და მეტწილად შესაბამისობაშია სტანდარტის მოთხოვნებთან“.

1.3. „აკრედიტაციის დებულების“ 27⁵-ე მუხლის მე-3 პუნქტის შესაბამისად, აკრედიტაციის მინიჭების შესახებ გადაწყვეტილების მიღების შემთხვევაში, საბჭო უფლებამოსილია აკრედიტაციის მაძიებელს მისცეს რეკომენდაციები.

1.4. „აკრედიტაციის დებულების“ 27⁶-ე მუხლის პირველი პუნქტის „ბ“ ქვეპუნქტის თანახმად, ერთ სტანდარტთან მიმართებით მაინც შეფასდა, როგორც „მეტწილად შესაბამისობაშია სტანდარტის მოთხოვნებთან“ და არცერთ სტანდარტთან მიმართებით არ შეფასდება, როგორც „ნაწილობრივ შესაბამისობაშია სტანდარტის მოთხოვნებთან ან „არ არის შესაბამისობაში“.

სტანდარტის მოთხოვნებთან“, საბჭო იღებს გადაწყვეტილებას აკრედიტაციის შესახებ და დაწესებულებას განუსაზღვრავს ვადას მიღებული რეკომენდაციების შესრულების თაობაზე ანგარიშის წარსადგენად, რაც აისახება საბჭოს სხდომის ოქმში.

1.5. აკრედიტაციის დებულების 27⁵ - ე მუხლის მე-7¹ პუნქტის შესაბამისად, საბჭო უფლებამოსილია, დასაბუთებული არგუმენტაციის შემთხვევაში, განსაზღვროს გადაწყვეტილებების ძალაში შესვლის თარიღი.

2. აღწერილობითი ნაწილი და დასაბუთება

2.1. სსიპ - განათლების ხარისხის განვითარების ეროვნულ ცენტრში (შემდგომში - ცენტრი) 2024 წლის 28 მაისის №216-IBSU-01 წერილით (ცენტრში რეგისტრაციის - №588073) შპს შავი ზღვის საერთაშორისო უნივერსიტეტის მიერ წარმოდგენილ იქნა სააკრედიტაციო განაცხადი "საჯარო ადმინისტრირებისა და სახელმწიფო მმართველობის" საბაკალავრო საგანმანათლებლო პროგრამის თაობაზე.

2.2. ცენტრის დირექტორის 2024 წლის 12 ივნისის №653606 ბრძანების საფუძველზე, შპს შავი ზღვის საერთაშორისო უნივერსიტეტი ცნობილ იქნა აკრედიტაციის მამდიებლად. ცენტრის 2024 წლის 23 ივნისის №1007976 ბრძანების საფუძველზე შეიქმნა ექსპერტთა ჯგუფი, რომელმაც დაწესებულებაში ვიზიტი "საჯარო ადმინისტრირებისა და სახელმწიფო მმართველობის" საბაკალავრო საგანმანათლებლო პროგრამის აკრედიტაციის სტანდარტებთან შესაბამისობის შეფასების მიზნით განახორციელა 2024 წლის 24 სექტემბერს.

ექსპერტთა ჯგუფის მიერ წარმოდგენილი დასკვნის შესაბამისად, სააკრედიტაციოდ წარმოდგენილი "საჯარო ადმინისტრირებისა და სახელმწიფო მმართველობის" საბაკალავრო საგანმანათლებლო პროგრამა შეფასდა შემდეგნაირად:

სტანდარტები	შესაბამისობაშია მოთხოვნებთან	მეტწილად შესაბამისობაშია მოთხოვნებთან	ნაწილობრივ შესაბამისობაშია მოთხოვნებთან	არ არის შესაბამისობაში მოთხოვნებთან
1. საგანმანათლებლო პროგრამის მიზანი, სწავლის შედეგები და მათთან პროგრამის შესაბამისობა	x			
2. სწავლების მეთოდოლოგია და ორგანიზება, პროგრამის ათვისების შეფასების ადეკვატურობა	x			
3. სტუდენტთა მიღწევები, მათთან ინდივიდუალური მუშაობა	x			
4. სწავლების რესურსებით უზრუნველყოფა	x			
5. სწავლების ხარისხის განვითარების შესაძლებლობები	x			

2.3. საბჭომ შეისწავლა საგანმანათლებლო პროგრამის აკრედიტაციასთან დაკავშირებული დოკუმენტაცია, კერძოდ, თვითშეფასების ანგარიშსა და მასზე თანდართულ დოკუმენტაციაში ასახული ინფორმაცია, ექსპერტთა ჯგუფის დასკვნა, ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიცია.

ზეპირი მოსმენა გაიმართა 2025 წლის 28 იანვარს.

2.4 სააკრედიტაციო განაცხადის, აკრედიტაციის ექსპერტთა ჯგუფის დასკვნისა და ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიციის, ასევე, სხდომაზე დაინტერესებული მხარის ზეპირი პოზიციის მოსმენის საფუძველზე, საბჭომ მეტწილად გაიზიარა ექსპერტთა დასკვნაში დაფიქსირებული შეფასება, კერძოდ, აკრედიტაციის საბჭომ 1.3 კომპონენტში დაამატა ორი რეკომენდაცია („რეკომენდებულია გადაიხედოს კურიკულუმის რუკა, პროგრამის სწავლის შედეგების უნდა დაიწეროს სასწავლო კურსების ფორმირების კუთხით“, „სწავლის შედეგები შეფასდეს მხოლოდ იმ სასწავლო კურსებში რომელიც გადის განმტკიცებაზე“) და აღნიშნული კომპონენტი ნაცვლად „შესაბამისობაშია სტანდარტის მოთხოვნებთან“ განისაზღვრა როგორც „მეტწილად შესაბამისობაშია სტანდარტის მოთხოვნებთან“. აღნიშნულმა გამოიწვია 1-ელი სტანდარტის შეფასების ცვლილება.

ასევე, 1.5 კომპონენტში გაცემული რეკომენდაციების გადახედვის, გაანალიზებისა და ურთიერთშეჯერების საფუძველზე, საბჭომ მეტწილად გაიზიარა ექსპერტთა დასკვნაში დაფიქსირებული შეფასება, კერძოდ, 1.5 კომპონენტში არსებული ორი რეკომენდაცია („რეკომენდებულია დაემატოს კურსი „საჯარო პოლიტიკის ევროპეიზაციაზე“, „რეკომენდებულია სილაბუსების ლიტერატურის განახლება, რათა სტუდენტებს მიეწოდოთ უახლესი ინფორმაცია, მათ შორის საგანთან დაკავშირებული ყველაზე ავთენტური და უახლესი მასალების შესახებ“), გადაიტანა რჩევებში, რომელსაც კომპონენტის შეფასების ცვლილებაზე გავლენა არ მოუხდენია.

3. სარეზოლუციო ნაწილი

„უმაღლესი განათლების შესახებ“ საქართველოს კანონის 66-ე მუხლის პირველი პუნქტის, მე-2 პუნქტის „ა“ ქვეპუნქტის, მე-3 და მე-4 პუნქტების, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტის, მე-2 პუნქტის „ა“ ქვეპუნქტის, მე-3 და მე-8 პუნქტების, აკრედიტაციის დებულების 27² -ე მუხლის პირველი პუნქტის, 27⁵ -ე მუხლის პირველი პუნქტის „ა“ ქვეპუნქტისა და მე-5 პუნქტის, 27⁶ -ე მუხლის პირველი პუნქტის „ბ“ ქვეპუნქტის, „საჯარო სამართლის იურიდიული პირის - განათლების ხარისხის განვითარების ეროვნული ცენტრის საქმისწარმოების წესისა და შინაგანაწესის დამტკიცების შესახებ“ სსიპ - განათლების ხარისხის განვითარების ეროვნული ცენტრის დირექტორის 2011 წლის 01 ივნისის №223 ბრძანების მე-8 მუხლისა და საქართველოს ზოგადი ადმინისტრაციული კოდექსის 53-ე მუხლის შესაბამისად, აკრედიტაციის საბჭომ 12 ხმით არცერთის წინააღმდეგ

გადაწყვეტა:

1. დაკმაყოფილდეს შპს შავი ზღვის საერთაშორისო უნივერსიტეტის მიერ წარმოდგენილი სააკრედიტაციო განაცხადი და დანართი №1-ით გათვალისწინებულ „საჯარო ადმინისტრირებისა და სახელმწიფო მმართველობის“ საბაკალავრო საგანმანათლებლო პროგრამას მიენიჭოს აკრედიტაცია 7 წლის ვადით 2032 წლის 28 იანვრამდე.
2. ცნობილ იქნას აკრედიტაციის ექსპერტთა ჯგუფის დასკვნა „საჯარო ადმინისტრირებისა და სახელმწიფო მმართველობის“ საბაკალავრო საგანმანათლებლო პროგრამის შესახებ ამ გადაწყვეტილების განუყოფელ ნაწილად (დანართი №2).

3. ცნობილ იქნას საბჭოს 2025 წლის 11 თებერვლის №135930 სხდომის ოქმის № 02 ნაწილი ამ გადაწყვეტილების განუყოფელ ნაწილად (დანართი №3).
4. დაწესებულებას საბჭომ შესასრულებლად განუსაზღვრა შემდეგი რეკომენდაციები და რჩევები:

რეკომენდაციები:

- რეკომენდებულია გადაიხედოს კურიკულუმის რუკა, პროგრამის სწავლის შედეგები უნდა დაიწეროს სასწავლო კურსების ფორმირების კუთხით;
- რეკომენდებულია სწავლის შედეგები შეფასდეს მხოლოდ იმ სასწავლო კურსებში, რომელიც გადის განმტკიცებაზე;
- რეკომენდებულია კურსის სათაური „შესავალი პოლიტიკურ იდეოლოგიებში“ შეიცვალოს, რათა სრულად მოიცავდეს კურსის შინაარსს, მათ შორის პოლიტიკურ აზროვნებას.

რჩევები:

- სასურველია დაემატოს კურსი „საჯარო პოლიტიკის ევროპეიზაციაზე“;
- სასურველია სილაბუსების ლიტერატურის განახლება, რათა სტუდენტებს მიეწოდოთ უახლესი ინფორმაცია, მათ შორის საგანთან დაკავშირებული ყველაზე ავთენტური და უახლესი მასალების შესახებ;
- სასურველია, „საჯარო პოლიტიკის“ სილაბუსი გადაიხედოს, რათა მისი შინაარსი სრულად შეესაბამებოდეს სასწავლო კურსის სახელს;
- სასურველია, პროგრამა შეიცავდეს წინაპირობებს და დეტალურ ინფორმაციას უცხო ქვეყნის მოქალაქე სტუდენტების მობილობასთან დაკავშირებით (ენობრივი ბარიერის შემთხვევაში), რადგან პროგრამა ქართულ ენაზეა;
- სასურველია, რომ მეტი შესაძლებლობები შეიქმნას სტუდენტთა ადგილობრივ და საერთაშორისო კონფერენციებში მონაწილეობისთვის;
- სასურველია, ახალი მემორანდუმების საფუძველზე უნივერსიტეტმა გააძლიეროს სტუდენტებისთვის სტაჟირების შესაძლებლობები, რათა სტუდენტებს თავად არ მოუწიოთ სტაჟირების მოძიება;
- სასურველია შეიქმნას პრაქტიკის შესაძლებლობები, რათა რაც შეიძლება მეტმა სტუდენტმა ისარგებლოს ამ შესაძლებლობით, რაც მნიშვნელოვან ღირებულებას შესძენს როგორც სტუდენტებს, ისე პროგრამას;
- სასურველია დამსაქმებელთა ქსელის განვითარება, რომელიც უზრუნველყოფს პროგრამის სწავლის შედეგებთან დაკავშირებულ პრაქტიკას, სხვადასხვა დარგის დამსაქმებლების გათვალისწინებით;
- თუ პროგრამა ორიენტირებულია საერთაშორისო სტუდენტებზე, სასურველია პარტნიორობისთვის რამდენიმე საერთაშორისო დამსაქმებლის ჩართვა;
- სტუდენტებისთვის მეტი პრაქტიკული გამოცდილების მისაცემად, სასურველია საგანმანათლებლო პრაქტიკის ნაწილი ორგანიზებული იყოს უნივერსიტეტის მიერ. ამასთან, უნდა გაძლიერდეს სილაბუსი პროექტების მართვაში და სტუდენტებმა 9 მონაწილეობა მიიღონ საერთაშორისო ბაზებთან დაკავშირებულ სხვადასხვა ტრენინგებსა თუ საინფორმაციო შეხვედრებში;
- თანამშრომლობითი კვლევითი პროექტების წახალისება: სასურველია სტუდენტებსა და პროფესორ-მასწავლებლებს შორის კვლევით პროექტებზე პარტნიორობის ხელშეწყობა, რაც გააძლიერებს ჩართულობასა და შედეგებს, სტუდენტები შეიძენენ ღირებულ პრაქტიკულ გამოცდილებას;
- დამატებითი შიდა კონფერენციების ორგანიზება: სასურველია ყოველწლიურ ღონისძიებთან ერთად მეტი შიდა კონფერენციები დაგეგმვა მთელი სასწავლო წლის

განმავლობაში, პროფესორ-მასწავლებლებსა და სტუდენტებს შორის თანამშრომლობისა და კვლევების გაზიარების წახალისება;

- აკადემიური ჟურნალის პოპულარიზაცია: სასურველია უნივერსიტეტის აკადემიური ჟურნალის შესახებ ცნობადობის ამაღლების მიზნით მიზანმიმართული სარეკლამო სტრატეგიების განხორციელება, მეტი კონტრიბუციის მოზიდვა როგორც სტუდენტებისგან, ისე - პროფესორებისგან;
- სასურველია, უნივერსიტეტმა უზრუნველყოს მისი ყველა აკადემიური პერსონალის სამეცნიერო პროფილების არსებობა სხვადასხვა პლატფორმაზე, როგორიცაა Google Scholar, ResearchGate, ORCID, Scopus და Clarivate;
- სასურველია, შეფასების სისტემის უფრო მეტი სიზუსტე. მაგალითად: აკადემიური აქტივობის ანგარიში იძლევა ფიქსირებულ ქულებს და არა ცვალებად ქულებს Web of Science-სა (Clarivate) და Scopus-ში (Elsevier) გამოქვეყნებული აკადემიური სტატიების კომპონენტისთვის;
- სასურველია ავეჯის განახლება: შეიძინეთ თანამედროვე, ერგონომიულ ავეჯი აუდიტორიებისთვის და სასწავლო სივრცეებისთვის, უფრო ხელსაყრელი სასწავლო გარემოს შესაქმნელად. მაგალითად თანამედროვე მაგიდები და სკამები, რომლებიც უკეთ შეესაბამება უმაღლესი განათლების გარემოს;
- სასურველია ბიბლიოთეკის ინფრასტრუქტურის გაფართოება: გააფართოვეთ ბიბლიოთეკის სივრცე სტუდენტთა მზარდი კონტინგენტის გათვალისწინებით, რაც უზრუნველყოფს ჯგუფური მუშაობისა და ინდივიდუალური სწავლის ხელშეწყობას;
- სასურველია ლიტერატურის კატალოგის გამრავალფეროვნება: გაამდიდრეთ ბიბლიოთეკის კოლექცია სხვადასხვა დარგის რესურსებით, განსაკუთრებით საერთაშორისო ურთიერთობების მიმართულებით. ეს შეიძლება მოიცავდეს დამატებითი წიგნებისა და ჟურნალების შეძენას, რომლებიც სცდება სავალდებულო საკითხავ მასალას;
- სასურველია გაიზარდოს მონაცემთა ბაზის გამოყენება: მიზნობრივი კამპანიების საშუალებით გაზარდეთ ცნობადობა ხელმისაწვდომი ონლაინ მონაცემთა ბაზების შესახებ, ისეთი საშუალებებით როგორიცაა საინფორმაციო სესიები ან ციფრული რესურსები, რომლებიც ხაზს უსვამს მათ სარგებელს. ეფექტური კვლევისთვის საჭირო უნარების გასაძლიერებლად ჩაატარეთ დამატებითი სემინარები ან ტრენინგები კვლევის მეთოდოლოგიებზე და მონაცემთა ბაზების ნავიგაციაზე;
- სასურველია რესურსების რეგულარული გადახედვა: დააწესეთ ბიბლიოთეკის კოლექციებისა და მონაცემთა ბაზების გამოწერის პერიოდული გადახედვა, რაც უზრუნველყოფს მათ რელევანტურობას და სტუდენტებისა და აკადემიური პერსონალის ცვალებადი საჭიროებების დაკმაყოფილებას;
- სასურველია ინვესტიციის გაზრდა ლიტერატურაში: გამოყავით დამატებითი თანხები ბიბლიოთეკის კოლექციის გასაფართოებლად, რაც აკადემიურ პერსონალს საშუალებას მისცემს რეგულარულად განახლოს მასალები და არ ჩამორჩეს თავისი დარგის თანამედროვე პროცესებს;
- სასურველია, რომ თვითშეფასების ჯგუფში უშუალოდ იყვნენ წარმოდგენილნი სტუდენტები, კურსდამთავრებულები და დამსაქმებლები;
- გამჭვირვალე, ეფექტიანი და ყოვლისმომცველი გარე ხარისხის უზრუნველსაყოფად, სასურველია შავი ზღვის საერთაშორისო უნივერსიტეტის ხარისხის უზრუნველყოფის სამსახურის აქტიური მონაწილეობა პროცესში, მათ შორის გარე შეფასების შედეგების საფუძველზე დოკუმენტის მომზადებაში.

4. საბჭოს აღნიშნული გადაწყვეტილება ძალაში შევიდეს 2025 წლის 28 იანვარს.

5. რეკომენდაციების შესრულების შესახებ ანგარიშის წარმოდგენის ვადად განისაზღვროს 2026 წლის 28 იანვარს.

6. საბჭოს მიერ მიღებული გადაწყვეტილება, საქართველოს ზოგადი ადმინისტრაციული კოდექსის 180-ე მუხლის პირველი ნაწილისა და „განათლების ხარისხის განვითარების შესახებ“

საქართველოს კანონის 24¹ მუხლის პირველი პუნქტის შესაბამისად, საგანმანათლებლო დაწესებულების მიერ შეიძლება გასაჩივრდეს სააპელაციო საჩივრის სააპელაციო საბჭოში წარდგენის გზით შემდეგ მისამართზე: ქ. თბილისი, მ. ალექსიძის მე-2 შესახვევი №2, ან თბილისის საქალაქო სასამართლოს ადმინისტრაციულ საქმეთა კოლეგიაში სარჩელის შეტანის გზით შემდეგ მისამართზე: ქ. თბილისი, დავით აღმაშენებლის ხეივანი N64, აღნიშნული გადაწყვეტილებისა და მისი დასაბუთებითი ნაწილების (დანართი №1, დანართი №2, დანართი №3) დაწესებულების კანონმდებლობის შესაბამისად ინფორმირების დღიდან, ერთი თვის ვადაში.

საგანმანათლებლო პროგრამების აკრედიტაციის საბჭო
მდივანი
ტეფნაძე დავით

დ. 07.06.23

სსიპ-განათლების ხარისხის განვითარების ეროვნული
ცენტრი
უმაღლესი საგანმანათლებლო პროგრამების
აკრედიტაციის საბჭო
სხდომის თავმჯდომარე
თუთბერიძე გოჩა

გ. ალექსიძე



№	ინფორმაცია საგანმანათლებლო პროგრამის შესახებ	
1	საგანმანათლებლო პროგრამის დასახელება	საჯარო ადმინისტრირება და სახელმწიფო მმართველობა
2	ერთობლივი უმაღლესი საგანმანათლებლო პროგრამა	-
3	სტატუსი	ახალი
4	სტატუსის გათვალისწინებით, საბჭო(ებ)ს გადაწყვეტილების თარიღი და ნომერი	-
5	ხელახალი აკრედიტაციის შემთხვევაში საგანმანათლებლო პროგრამის წინა დასახელება	-
6	უმაღლესი განათლების საფეხური	ბაკალავრიატი
7	დაშვების წინაპირობები	-
8	კვალიფიკაციის დონე	6
9	კვალიფიკაციის დასახელება	საჯარო მმართველობის ბაკალავრი
10	ზოგადი განათლების შესაბამისი საფეხურის საგნის/საგნების/საგნობრივი ჯგუფის სწავლების უფლების მითითებით	-
11	დეტალური სფეროს დასახელება და კოდი (ISCED – F – 2013)	0413 მენეჯმენტი და ადმინისტრირება
12	სწავლების ენა	ქართული
13	ECTS კრედიტების ჯამური რაოდენობა	180
14	განხორციელების ადგილი	თბილისი, დ. აღმაშენებლის ხეივანი 13-ე კმ, #2, 0131
15	მსჯავრდებულ აბიტურიენტთა საგანმანათლებლო პროგრამაზე სწავლასწავლების უფლებამოსილება	-
16	ამ გადაწყვეტილების ძალაში შესვლის თარიღი	28/01/2025
17	აკრედიტაციის საბჭოს მიერ გაცემული რეკომენდაციების შესრულების თაობაზე ანგარიშის წარმოსადგენად/მონიტორინგის განსახორციელებლად განსაზღვრული ვადა	28/01/2026
18	აკრედიტაციის ვადის გასვლის თარიღი	28/01/2032